



VOL. XIII. NO. 12.

JULY 15, 1909.

50 cents a year.

Published Monthly, at St. Michaels, Fort Totten, P. O., N. Dakota.
ENTERED AS SECOND CLASS MATTER AT THE POST-OFFICE AT FORT TOTTEN, N. DAK.

MAGABOBDU Ta.

Joseph Magabobdu woxakan woecon, woartanihda, qa sda wakan ionpi qa wasagya wanke qa May 13 hehan ohihanke wainin woxajaju yuhe kta iyaya. Immaculate Conception tipiwakan hen Mass wošnapı ecakiconpi qa hetanhan owankayujıjapi May 15 hehan rapi.

Magabobdu waniyetu wikcemna şahdogın sanpa şahdogan. Nion kin econhan wicoran wašte kodaya, qa wocekiye ope kin hetanhan iyotans mdihenyan rsani. 1891 ehan tokaheya Catholic wocekiye opa qa Winora eciyapi wan yuza, cinca wica nom, qa winyan wan henakeca erpewica iyaya. Te kta wanke kin econhan wocekiye ohna wasagya nıjin wicaşı, qa nakun cıwohıakı wašte rca ohna rapi cıa snı. Taku cıa kin deon tona wıtanıanpi qa tanyan wıcarapi cınpı kin iyopewıcaye kin iyececa, taku owasin mızska ota ayusotapi qa tiwahe kin en akıranpi qa heyake icakıjapi ecee.

Magabobdu, wicašta wašte kin iyecen owasin wašewıcadaka, qa oyate kin waawacin wıcaya.


Waanagoptan, wocekiye awacin muihenya Wakantanka koka. Wozikiye en on nunwe.

CROW CREEK, S. D.
May 13, 1909.

Anpetu kin de en wicaša itancın wan ıa, wicaša kin de toran ota oyagpıca Dakota en wıcoran tona on oyate en wicaša caje wıciyatapi kin hena en Magabobdu skinciye qa iye tancın kin en

itonııpe snı kuwa qa hera owasin iye toshitike eciyatanhan on tukte en okicize en on kin hen wanikiye kta skan qa heciyatan on iye tancın kin ed wokionni iyahce ııııı qa heciyatanhan on

Heon tuwa tawacin tanka qa wašte qa ohitka ehantanhanş he oyate en caje kin tanka qa takten oyate okıju eca hen wicaša kin he cajeyatapi ecee. Magabobdu wıcoran kin dena teriya kuwa qa



CHIEF DRIFTING GOOSE.

oyate en cajeyatapi heyapi wana ake Magabobdu kaken econ okicize en wıcoran wankantuya yawapi wanji econ keyapi; qa akeş heyapi. Magabobdu hee tukten okicize onkan taopi tka ni keyapi do eyapi; ho wıcoran kin dena ehanna wowıtan heca.

okihi qa iye tawacin tankapi eciyatanhan on oyate en okitanin qa cajeyatapi qa hehand iye taoyate en wicaša kin wayuonıhan on. Wıcoran wašte ota econ qa hehand tuwe tiyoti sa kin he Magabobdu ee qa nakon wicaša kin wıcakıco sa, nakun wohdake cın

onaron wašte wıciyokıpi he on wicaša ihaktapi qa nakun warpanica qa wabce ıea hena skankan inş taku woyıha ikceya on owıcakıya ecee. Iye wacantkiyapi on oyate en wıcoran wašte ota econ qa wauna tohan wašıcu wasdonye cın hetanhan ake wıcotawacin tokca yuha ecın wicaša kin tawacin wašte qa waanagoptan, wawohoda qa wıyuckan wayupıka; heon Sisseton oyate en wıcoran token wanke cın he wanyake cın eciyatanhan on woospe wašte ıcu qa ito wıju wicaša heca kta e karnıga qa Sisseton oyanke kin iwiıorpeyatta wakpa wanji, James River eciyapi hen omaka yawapıeciyanhan 1870 akotan Magabobdu hen wıju yanka qa omaka 1881 heehan Sisseton en Dakota itancın onpi kin wanji sdınyayapi. Tiwakan eciyapi kin he omawahıtonyan canke kicı Washington D. C. eata ipı qa heciyatanhan Magabobdu Kangıokute oyate en wašıcu wıcoran eciyatanhan waonspekiye kta e tonkanşına econ sı qa iyecen econ qa Kangıokute en Magabobdu iye taoyate om hiyotanke qa hen oyate tannına yankapi kin woospe tanka wıcakıyutanın omaka 1881 heehan maka iyuta hiyotanke qa magaiyutapi cistına 60 wıju qa heon tunkanşına tipı wašte kicage, qa Magabobdu Kangıokute oyate en wašıcu iyecen tiwahe wašte kaga qa wašıcu eciyatanhan woohoda on Magabobdu tonkanşına şınasapa tipıwakan wašte kicaga qa woospe tipı wašte ehde qa tawakanheja en towıcake qa towacınye kin he Wakantanka kiıurdoka qa omaka 1891 Dec. 14,

ŚINASAPA WOCEKIYE TAEYANPAHA.

REV. JEROME HUNT, O. S. B.
PUBLISHER and PROPRIETOR.

FORT TOTTEN. NORTH DAKOTA.

With the Approbation and
Blessing of Rt. Rev. John Shanley
D. D. Bishop of Fargo, N. Dakota.

JULY 15, 1909.

he en tawicu Winona kici minia-wicakaŝtanpi qa nakun wakankiciyuzapi, Rev Fintan Wiederkehr O. S. B. wicakiciyuŝtan. Hetanhan wanna Magabobdu christian heca qa okodakiciye wakan wan en ope cin hen tonkanŝinayanpi iyecen on kta Rev. Fath. Fintan eya. Ho eciyatanhan wicaŝa kin de waanogoptan qa wawohoda qa heya: Ho tukte tanhan koŝka waon kin hetanhan Wakantanka yuke cin he naron waon ce, eya, qa tuktektan taku hecetu ŝni on Wakantanka cewakiya ce, qa wanna detanhan tokatakiya micinca, mitakoja owasin wocekiye ohnayan iyayapi kin he awacanmi ce, eya. Heon hetanhan ta-henaketkiya Magabobdu wicaŝa owasin wicahukud iyeiŝiya qa warbayena rcin wicotawacin yuha on qa oyate en wocekiye on womnaye wanji econpi eca hena owasin en iyuŝkinyan wawokiya ece. Qa wanna tohan waŝake ŝniyan wanke cin hehan iapi tankinkinyan qa tketke ece on iapi emakiya qa heya: Cinŝ, maŝa eŝa nitanke, nisunka hena yamni wicoran nitawapi he imatan ce, qa ihnuhan cinŝ nitawacin tokca qa wocekiye kin he econyakapinpi kido, qa de yaonpi kin hecetu wanjica yaunpini ecanmi kte do, ate eya. Wanna waŝake ŝni kin hehan ina, tanke, misun wicoie waŝeŝte on waŝagonkiciyapi qa wanna tohan oniya kin ayuŝtan hehan iapi decen epa. Wana ate henana anpetu dececa ka e en waonbdenicapi kta honŝe epa, tokŝa tona wabdenicapi hena Wakantanka awanwicayaka ce, epa. Ho eya canteunŝicapi kin de toketu kin wana hunr tanyan sdonyayapi naceca, tanka wawicabdenica kin terika keyapi, unkan he wicakape do. Anpetu nom ate tancan kin ehake awandag unyankapi wanna tipiwakan ekta ayapi qa owankayujapi hinhan wacekiyapiyehand tipiwakan kin timahen aipi qa wicatančan ehake woyuonihan

ohnayan taku tona econpi kta iyececa kin hena owasin econpi qa iyohakam wanna tankad wicarapi makoce ekta ayapi qa wana tohand maka oge en ehnakapi hehand wicaŝa wakan kin ee qa tona wayawapi kin qa hehand okodakiciye wakan opapi kin hena owasin wocon rca ohnayan yuonihanyan taku econpi wabake ca icantemawaŝte qa hecanmi. Toŝ, ate hecen cin, wicoran kin de cin unkiyapi qa ohna iyaye onyayapi qa hehand unkihakam yahiyu qa dehand toki erpeya unkiyadadapi eŝa heon unkiyuŝkinpi ce ecanmi. Unkan nina waŝte qa akab ewacanmi tonkin tona nahanrci niyate nihun qa takuwicayayapi tona minawicakaŝtanpi ŝni kin hena cinwicayakiyapi ni ecanmi. Wopapi wakan wicoie wanji awacinpi kta. Heced oinajinta awaimnaka Jesus, Messiya on Wakantanka wakanŝiya wicakico kin en oqipe kin yewakiye kte cin heon etanhan.—Phil. 3: 14.

JOSEPH S. BLANKET.

STANDING ROCK AGENCY,
FT. YATES, N. D. June 4, 1909.

Mazaska Awanyaka Wanjina en Baptist Pierre (trustee) wamnaye qa dena cajepi.

St. Joseph okodakiciye	\$ 5 00
St. Mary "	5 00
Thomas Whitmouse	25
John "	25
Celina "	25
Eugene Littla Soldier	20
Mrs. Daisy Little Soldier	15
Baptist Pierre	25
	\$ 11.35
Mazaska wanna ataya	\$442.19

FORT BELKNAP, MONT.
June 7, 1909.

Eyanpaha kin.

Watopardatonwan Assinniboine oyate onpi kin June 1, en wahi qa St. Peter Canisius church en Father Sialm kici wanon, qa oyate kin nina en maupi qa miniawicakaŝtanpi qa wakan wohdakapi qa Yutapiwakan qa wicayusutapi wakan eyapi kin hena token kapi kin tanyan okarnigapi ŝni ce, eyapi, qa qe yaŝ wanna amapapsonpi ŝte ecetur epcacen kona taku onkoyecihdakapi je wabnupi ŝni eyapi hecen Father Sialm token owicakiyag maŝi kin iyuha owicawakiyaka. Hehan hecen eyapi ecee. Koda. tanyan onkoyecihdakapi, waŝicun ŝinasapa kin taku onkokici-

hdakapi ŝte tohinni ecer onko-karnigapi ŝni ŝte niye iya e cin tanyan okarnironyapi ce, eyapi. Anpetuwakan en wicota tipiwakan en ahi qa wanjigji mniakaŝanpi cinpi, qa Yutapiwakan icuppi qa June 10, en ŝinasapa itancan tipiwakan kin den hi kta, hecen tona wicayusutapi opapi kte cin hehan owasin den hipi kta, qa eya wanjigji paŝa kisonpi qa iŝ iteŝakiyapi qa tipiwakan en hipi, qaiŝ wapaha hduŝokapi ŝni tipiwakan en yankapi qe yaŝ ecin hena nahanrcin okarnigapi ŝni, heon toka ŝni seececa. Hehan woyakapi wanji weksuya, wakan wacipi unkan en koŝka wan wapeŝa on qa en wanyag-najin keyapi, weksuye qa wapeŝa kin he wocon wanjina en he onpi ecee kta heon kagapi tka he iye kin wapeŝa kin on eca nina oiyokipi iŝida, heon heceena awacin qa wocon tokca qe yaŝ hena koya en takecin ŝni. Hehan iyohakam koŝka kin he wocekiye awacin qa okarniga unkan he kiksi ya qa on iraiŝiya ecee. Hecen dena oyate kin nionpi ecen iŝeya wocekiye awacinpi qa okarnigapi kinhan hena iŝiksuyapi kta unkecinpi.

Tokata anpetuwakan kin en Inyanrewita en Haratonwanna Gros Ventres ewacakiyapi onpi, St. Paul Mission, Montana en onyanpi kta. Hecen wicaŝa qa winyan tona ŝinasapa wocekiye nayecinjinpi kin hena owasin nitawacinpi on oyate kin de ekta ahiwicayatonwanpi kta qa ŝinasapa tona oyate de en opeya unpi kin hena koya wicayeksuyapi kta. Qa hehan nakun Warcinca Wakpa en oyate nnpi kin en anpetuwakan nonpa qaiŝ yamni ecen hen unyakonpi kta qa hena nakun taku wicunyanpi tka nahanrin wocekiye kin en taku tokun ŝni yankapi. Heon cante en wicakeya wowicada duhapi kin on nakun oyate de wokicanpte on wicayeksuyapi kta. Wicacerpri toni ptecana kin on woawacin kin he e kte ŝni tka Itancan kin nagi toni kta onkicagapi kin he e on unkeiksuyapi kinhan wawacin onkitawapi kin marpiya kin tehan wankatuya qe yaŝ iyohi onyanpi kte qa heon nakun miye koya miyeksuyapi kta iceciciyapi. Śinasapa omniciye tanka en yahipi kinhan oyate dena on catechist wanji yuhapi kta iyececa qa owicakiyepica hecinhan Bishop iwangapi kta iyececa.

JOHN STRAIT.

INTERIOR, S. Dak.

Hekta March hehan wamnaye waun yunkan onkitakolakupi hunr ekta wicawai, St. Joseph kin nahan tokaheya Crow Creek, S. Dakota hel wai, iho wicaŝa iyuha kinil wanwicablake. Yunkan hunr hecel woglakapi: He. he, ehanna ŝinasapa owapa tka, hece lehan wanna wacipi owapa, hecel tokel waran kta tanin ŝni. Nainŝ hunr ŝinasapa el owapa tka Tunkanŝinayanpi kin he kakel ccon na lecel oranye kin he Iyomakipi ŝni, heon togeyaŝ iranhan reyab inawajin. heon tokel ran pica ŝni ce eyapi. Na nakun icunhan koŝkalaka waŝeŝte wanwicablaka. Tipi wanji onyuhapi uncinpi na heon wiŝtece ŝni kicun waŝkan. Kangi-okute kin tipiwakan lila waŝte yuhapi, na unkiŝ takuni hececa onyuhapi ŝni; okini onkiŝ tipiwakan wanji unyuhapi kinhan onyan iklaka unkiyayapi kte ŝece.

Nakun Lower Brule hel waun na hel mniciyapi, na etanhan omakiyapi.

Joseph Thompson	\$ 25
Eagle Star	50
Henry Badhorse	50
Swift Hawk	35
E. Swifthawk	25
Henry D. Swifthawk	1 00
John S. W. Bear.	75
Mary Onehorn	25
Crow Creek S. Dak. etanhan.	
Joe All-around	10
John Blake	25
George Banks Jr.	50
Wasicu kin omakiyapi	4 50
Ataya	\$9.20
Ho lila pilamayanpi.	

FRANK HORN CLOUD.

Holy Rosary Mission,
Pine Ridge, S. Dak.

May 29, 1909.

Eyanpaha.

Śinasapa omniciye econpi na Holy Rosary Mission el wocekiye opa on hena lecel apikiyapi. Conkaŝke zazica wanji wirarapi kin iklukŝan kagapi kta gluŝtanpi na heon etanhan Jacob Killer mazaska wamnayin kta yuŝtanpi.

Ho heci eya tona nitakuyepi lel wicarapi on hena e rca oon-yakiyapi oncinpi. Conkaŝke kin le apiya pica walarce lo.

Ho heon etanhan St. Joseph omniciye yuhapi, na le womnaye kin kagapi; tohan yuŝtanpi ŝni hehanyan. Oyasın nape ciyuzapi.

JACOB MILLER.

ST. PAUL MISSION, MONT.
June 15, 1909.
Eyanpaha,

Bishop of Great Fall,
Mont. Aloysius church, Lodge
Pole en i qa nakun Father Sialm
kici onhipi qa Watopardonwan
kin wikcemna nom sam nom wi-
cayusutapi wicaqu qa nakun za-
ptan teca miniawicakaſtanpi. Bi-
shop taku owicakiyake cin owa-
sin nina naronpi kin iyokipipi qa
tipiwakan kin ojuna, nina tanyan
dowanpi qa nakun owasin woce-
kiye eyapi qeyas nina onaron
waſterca iye iapi tawapi ohna
wocekiye eyapi qa nakun dowan-
pi. Hehan Dakota kin hena wo-
cekiye token woecon yuhapi hena
wanjigji imawangapi qais wanna
waniyetu tona wocekiye kin de
Dakota en yuha ſkanpi kin hena
imawangapi. Hecen wanna Da-
kota tona South qa North Dako-
ta hena en omaka iyohi token
woecon yuhapi kin owicawakiya-
ka; nina iyokipipi qa heon yamni
qais topa ecen St. Michael's en
omniciye tanka kte cin he ekta
wanyag yapi kta nina awacinpi
rca. Koſka wanjigji nina waſte-
ſte en onpi kin owasin iye oihda-
kapi ſni qeyas taninpi seececa.
Heon oyate de kohanna ſinasapa
tawocekiye wakan kin awacinpi
kta heon wica qa winyan tona
wowacinye nitawapi kin on wa-
cintankaya anpetu qa rtayetu kin
hena tona nahanrcin wocekiye
on wortani kin en taku tokun ſni
najinpi kin hena ohinni wicaye-
ksuyapi hecinhan owasin tawa-
cin wanjina on oyate de wicaye-
ksuyapi kta, qa ſinasapa tona
en onpi kin hena om wicayeksu-
yapi kta qa iye iapi tawapi kin
ohna nahanrci wowapi yawapi
kta okihipi ſni; heon wakan wo-
hdakapi qa Yutapiwakan icupi
kta qa token dena itokam on wo-
cekiye eyapi qa iyohakam token
wocekiye eyapi kta hena nahan-
rcin okihipi ſni. Heon tawacin
tankapi on yus awicayapi kta qa
wowacantkiye tanka on dena
ekta ahiwicayatonwanpi kta,
waniya wacintkiyapi ocowasin
kiſon qa on cerpi toni kin de
en wanna niyecinka mayani oki-
hi niyanpi kin hena yeksuyapi
kta. Unkiſ eya hena iyeonceca-
capi tka qon hena yeksuyapi kta
qa tona iyotan hekta ſinasapa
wayawa tipi en onpi qa etanhan
wocekiye qa odowan onspeyahan
icagapi qon hena dehan wicoran
dececa kin dena en okihiyarcin
wawokiyapi kta iyececa. Wato-

pardatonwan oyate onpi kin en
koſka wanjigji tanyan waſicun
iapi rca onpi qepaſ hena wayawa
tipi wan en onpi qa etanhan wa-
ſicun iapi onspeqeyas hena ſina-
sapa onspewicakiyapi ſni; hena
ſinasapa wocekiye eya onspewi-
cakiyapi ſni, Unkan heon hena
taoyate kin en iwaſte wicakiya
okihi ſniqa ee tohan waſicun iapi
kta eca tokaheya taku wakan
oſtehdapi ecee. Qeyas hena on
tohinni Dakota oyate kin iwaſte
wicayapi kte ſni; heon wicaſa qa
winyan tona nicinca yuhapi kin
hena tokata token onpi kta he-
cinhan hena niye wanna dehan
idukcanpi kta, qa tokata waniye-
tu wikcemna yamni qa topa kin
hehanyan nicinca kin hena wanji
ni on kta naceca qeyas okini ni-
ye hehanyan ni yaon kte ſni na-
ceca; heon dehan nicinca kin he
taku wicoran wan on tokata on
iwaſte kta hecinhan he dehan
ecewakta yaye cinhan heon ni-
cinca tokata tanyan un kta qa ſi-
sapa wocekiye kin he e kta. Miſ
dehan ſinasapa mitawa kin etan-
han waranmiſida qa token ibda-
bda, wocekiye mitawa kin de wa-
ſte qa wakan ce epe cinhan qa
tona wicamadapi kin hena nagipi
kin noniwicawaye kta ecin Wa-
nikiya maka kin de akan wowa-
kan woyawaſte sacraments wica-
qu kin hena owasin miye yuha
token waran iſida ibdabda ſni.
Hecen miyecinka Wanikiya sa-
crament tawa kin hena bduha qa
on wicatanca qa wicanagi en
woyawaſte kta wan koyagwaya
owakihi ſni; hena iſeya iyececa
heon nicincapi kin owasin he on-
spewicayakiyapi kta. Hecen on-
kiyepi nakaha ni unſunpi kin de
oyate toksape kte cin hena ota
onkunspepi ſni qeyas tokata ni-
cincapi kin hena waſte qa wa-
rbana onſiiſidapi hecapi kta Wa-
kantanka Wookihi wicaqu kta
nakaſ. Heon dehan tuwe cinca
onſikida qa terida hecinhan ſi-
nasapa wocekiye wayawa tipi he-
ca wanji en on kiye cinhan he
cinca kin tokata pidaiſiyeye kta
wan onspekiya.

JOHN STRAIT.

MANDERSON, S. D.

Eyanpaha.

Ikcewicaſa maka akan
onqonpi kin eciyatanhan oyate
lenakiya wanwicablakin na heon
etanhan Marpiyato na Susuniho-
tanka, Omaha maſte makoce
ekta oyate onpi kin. Sicangu,
Horwoju, Inyanwoslahan oyata,

Oglala oyate na waſicun oyate
kin lenakiya wocekiye wicoran
on omawani ho heon taku wanj-
gji epin kta wacin. Oyate owan-
caya oyate congress luhapi kte
el wicoiye tonakca eyapi kta he-
cin Wakantanka eciyatanhan he-
na sutaya onyuhapi kta iyececa.
United States el Ikcewicaſa lila
otapi tka Wakantanka okolakici-
ye opapi kin lila conalapi na ota
rcin makoce kin el kakiſya yan-
kapi, heon wicaſawakan taku on-
kokiyakapi kin nahan sutaya on-
kiconpi kta iyececa; hena Wa-
kantanka oiye kin heon na
wicaſa oonkiyapi kta iyececa.
Wanikiya onkitawapi caje kin on
heon. Tona wocekiye oyapapi
makoce kin lel yaonpi hecin he-
na sutaya najinpo. Wakantanka
cinhintku temni na watuka kin
he kiksuyapo. Wakantanka cin-
ca taku unqupi kin hena wicaſa
akantu taku kiciſupi kin heca ſni
tka hena owihanke wanil onyu-
hapi kte. Hecel makoce kin le
akan iranhan onhipi na tuwa
owotanla le mni kin na owotanla
watuka kin woozikiye kin el yan-
kin kte; tona Wakantanka Cin-
hintku we kin otuya yusotapi
kin nahan otuya cin watukapi
kte; na wokakije kin el yankapi
kte. Mitakuyepi, he terike, lena
iyukcanpo.

Hekta March 17, Johnie Black
Elk, hokſila wanji eca rwaya ma-
kiſelo, waniyetu topa.

May 18, Sam Big Road tawicu
kici miniawicakaſtanpi na wa-
kankiciyuzapi.

Kola owancaya onſimalapi na
wocekiye emiciyapo. Nape ci-
yuzapi.

NICK W. BLACK ELK.

CANNON BALL, N. D.

May 20, 1909.

Hanteſa en tipiwakan uncinpi
na wamnaunyanpi kin he dena
Pahayamni, St. James church
etanhan dena tipiwakan okiyapi.

Cecilia Redfox	\$.50
Emma Boulder	50
Joseph Redfox	25
James "	25
Mary Walker	25
Agnes Walker	25
Annie Walker	25
Albert "	25
John I. Boulder	25
Paul Goodiron	25
Sherman Ironshield	25
Barney Goodiron	25
John Ironshield	25
Charley Dogskin	1 00
James P. Hairychin	1 00
Katie "	50

Louis Dogskin	25
Emma Yellowwalk	25
Mary "	25
Agnes Goodwood	1 00
Cecilia "	50
Father Bernard, O. S. B.	1 00
Henry Has-holy	1 00
Peter Has-holy	50
Father Bernard	25
Cecilia Redfox	50
Elizabeth Ramsey	50
Odelia Ramsey	50
J. Bring Water	50
J. Bon Boulder	01
Martha Wendy	25
Sam Black-tongue	20
Mary "	10
Albert Back-bear	25
Annie Onehawk	25
Alice Irontomahawk	05
H. Ironshield	25
Mrs. See the bear	25
Mrs. Dogskin	15
John Ironboulder	05
Frank Blacktongue	10
Henry Has-holy Jr.	50
Cecilia Walkingcloud	1 00
Margaret See the bear	1 00
Nancy Has-holy	50
Bob Walkingcloud	1 00
Henry "	50
Nancy "	50
Paul I, Tomahawk	50
Sam Blacktongue	25
Wm. Eagleman	1 00
Elizabeth Eagleman	1 09
Charley Ramsey	01
Joe Bring them	01
Louis Santee	01
Agnes Goodwood	50
Cecilia "	50
Annie Twiggs	50
Ester "	50
Skaahdiwin	1 00
Wm. Dogskin	25
Henry Ironshield	10
Mary Bringthem	50
Henry Bringthem	50
Cecilia Redfox	50
Emma Ironboucher	50
Joseph Redfox	25
Mary Walker	25
Annie "	25
Agnes "	25
Albert "	25
John Ironboulder	25
St. Elizabeth Church en St.	
Joseph onpi kin etanhan dena	
tipiwakan okiyapi.	
Samuel Fasthorse	\$2.50
C. "	2 50
Samuel Eagleboy	2 00
Basil Twobear	3 00
David Red S.	2 00
Ho eya mitakuyepi, ito, able-	
zapo; dena Wakantanka en owi-	
hanke wanin hehanyan iſiconza-	
pi heon St. Joseph etanhan taku	

icakijapi kinhan okiyapi kta he oga içiconzapi. Ho Mitakuyepi, lecerci Wakantanka on waecanonpi kinhan tokata wiconi wanyake cin heciya Wakantanka kici iyuskinyan yaonpi kte.

Mitakuyepi, nahanrci ota wahuotanin šni, tokša hena ake nayaranpi kte. Wowiyuškin mitawa on nape ciyuzapi.

JOSEPH LITTLE CHIEF.

Spring Creek, S. D.

Casmun Omniciye St. Joseph oitancan cajepi kin lena epi.

James Quickley itancan.

Eugene Little okihe.

Emil Head wowapi kaga.

Geo. Hinhanrota mazaska awan.

Lawrence Coffee wiyokihe yuha.

John Francis wocekiye eya.

Ptehincala wamnaye.

John Walking Eagle wicokuja awanyaka. Joseph Deliverbear iapi awanyaka. Wakinyaneharelala tipopa awanyaka.

Justin Shooting-cat, John Geurue. Joseph Walking Eagle, Joe Head, Paul Cloudman ogli glepi. Aknaiyanke rlarla.

JOHN FRANCIS.

St. Paul's Mission, Mont.
June 12, 1909.

Eyanpaha.

Šinasapa itancan Montana en on kin he Blessed Peter Canisius tipiwakan kin June 11, en hi qa Watopardatowan kin wikcemna tom sam wanji yusutapi wakan wicaqu qa ihinhanna kin en St. Paul Mission ekta i; Fort Belknap hetanhan makaiyutapi wikcemna topa ecetu, Father Si alm kici rtayetu hehan onkipi. Inyanrewita wiyorpeyataka ipa kin ordate hen wazioju kin orhdateya minirdoka qa okokipeya mini kin etanhan kaduza. He kin ataya wazi eceena owanyake wašte rca. Šinasapa qa winyan wakan wayawa tipi qa tipiwakan kin inyan eceena on kagapi; hokšina qa wicinanna koya opawinge sam wikcemna topa wicayuhapi; qa tonkanšinyanpi dena wicakajuju šni, woyute qaiš hayake wicaqu šni, tka šinasapa tawocekiye qa towašte qa towacantkiyepi kin on Dakota kin owicakiyapi, hecen deon Dakota onkoyatepi kin wookarnige wanjigi awaoncinpi iyecetu. Anpetu kin de Inyanre kin en Raratonwannna ewicakiyapi kin en šinasapa itancan Montana en Bishop Mathias C. Lenihan, D. D. Great Lalls hen hi qa oyate kin

wakanheja qa tankapi koya wicemna napeinwanka sam šahdogan yusutapi wakan wicaqu; wiyotanhana sanpa hehan wayawa hokšina qa wicinanna kin škatapi qa oyate kin nina wowiyuškin yuhapi en wanbdake qa heon miš šinasapa tawocekiye kin heceena Dakota wayawa tipi yuha yankapi he wašte kin tanyan sdonwaye. Fort Belknap Agency kin en nakun wayawa tipi wanji wašterca han, hokšina qa wicinanna en onpi kin Bishop en i qeyaš token woyuonihan econpi kte cin sdonyapi šni, qa woyawašte wakan econpi kte cin sdonyapi šni; hecen hena maka kin de toksape qa wicacerpi toksape kin owasin yuhapi qa woyijice yuhapi qeyaš hena on nagipi kin opekironpi kta okihipte kte šni. Heon Dakota oyate kin de awaoncinpi kta wašte. St. Paul Mission en šinasapa wayawatipi heca; unkan Bishop en i unkan tohanyan woyuonihan econpi qa nakun škatapi en wonspe waštešte kpazopi. Hecen Bishop nina icante wašte qa nina yawašte. De on nakun taku awaoncinpi kta wašte. Maka kin de akan Wakantanka towakan qa towašte kin heon wicacerpi wicaša hecapi qeyaš hena wicaqu: "Ate umaši kin he iyecen miš yecišipi ca," eya. Qa awicaniya qa wowašake wicaqu, heon šinasapa wicašawakanpi kin hena yuhapi. Heon hetanhan eceena wicanagi qa wicacerpi en Wakantanka towakan qa towašte kin he wicaša nionpi kin en wicakupi kta okihipte, heon tona Daonkotapi kin hena sdonunyanpi kta iyececa. Tuwe dena ceŋunhda kinhan qa hinnakaha wicašawakan heca kta cin kta he? Maka akan Wanikiya towakan kin hena tuwena yuha on okihi šni kecin qa he taku on wakan kta e he wicašawakan kta cin he? Qa Wanikiya towakan kin wicacerpi en on šni qa maka akan iye towakan kin hena on waeconpi kta okihipte šni kecin kinhan he tokenken wicanagi qa wicacerpi kin he yuwašte okihi kta e heon wicašawakan eya cajeyatapi kta cin kta he? Qa tohan hunkayapi karnigapi iyehantu eca wakankana owasin mnawicaye qa on hunkayapi ohiye qa heon wicanagi ko iye yaco okihi kecin ecee. Hecen ito dena en onyawapi kta —Johannes 20, 19-31. Mark 16, 14. Luke 24, 36. I. Cor. 15, 5. Hena dena tuwe wowicada en

yuhe šni kinhan Thomas Didymus taku wanyake šni kin token eye cin išeja iyececap; hecen tohan wanyakapi kinhan wica dapi kin hee; qa wanyakapi šni qeyaš wicadapi kin hena woyawašte tanka yuhapi kta he wicaundapi kta iyececa.

JOHN STRAIT.

CROW CREEK, S. D.

June 1, 1909.

Eyanpaha.

May 23, rtayetu kin en taku terika wan awakipa qa anpetu kin, dehanyan nahanrcin token waun kta tain šni wau. Anpetu wan en take cinšni waun qon ungnahena wocantešica wan makiyarpaya qa toki ibdabda tanin šni; eya maka kin den akan tohanyan ni waun kta hecinhan hehanyan tohinni cantewašteya waun kta ecanmi šni, tohanyan ni waun kin hehanyan wocantešica woyokišica kin dena koyag waun kta, qa tohan kinhan cantewašteya waon kta he eya tohan maka akan wiconi kin abduštan kinhan hehan ee minagi kin wokakije, wocantešica hena ikiyena u kte šni naceca ecanmi. Qa akeš wowapi wakan en hecen eyapi wan wanbdaka. Maka akan woyuha kin ekignakapi šni po; he wabduškana qa-gigi wayušica ece; tuka marpiya ekta woyuha kin ekignakapo; heciya wayušice šni ce, eyapi kin he awacanmin wau. Eya cantemašica anpetu wan en May 23, rtayetu napeinwanka ape cin hehan winyan mitawa kin makiša. Heon tokiwacinyewayu tanin šni, tka taku wacinwayin kta tanin šni waceya keš ake abdaštan qa cuwi mahen ohinniyan makata cekiya manke qa heun wamašake sececa. Winyan mitawa taku wicaye cin atkuku qa cuweku henaonapi eya nunpin nina iyo kišicapi ohinni wanwicayag manke cin mišeya iyececa heon hakeya wowapi ska kin iwacu qa de owicayeciyakin kta wacin. Wabdenica irpemayapi kin cinca 2 om maka akan iyotiyekiya onqunpi; heon tuwekeša wowapi kin de wandakapi kinhan wocekiye ewicayeciyapi kta. Hecen nitawocekiyepi kin on wacinciyapi. Šinasapa en owapa šni qa winyan mitawa kin iye heca opa. Canke šinasapa wicašawakan kin token okihika winyan mitawa kin yuha škanpi, anpetu he ecunhan nina magaju qeyaš en etonwe šni wocekiye qun ee yušan

wacin; eya minitanse škanpi e wanwicayag nawajin qa ecen micuyuštanpi qa nina pidamayapi. Koška qa wikoške wanjigji onkikcanptapi qa heon piwada.

Miye e okodakiciye wan en owapa qon ee en tuwena wanbdake šni qa sanpa canemašica qeyaš toka šni; Wakantanka wanjina hecen heon heceeyena awacin waun. Miye Kanjica kin hematanhan tka winyan mitawa kin kici awakinica šni owotanna nonpin awanonkicibda onqupi hecen woakinice cona winyan mitawa irpeya imayaye cin hecetu wakida. Winyan mitawa Annie Tašunke rotewin eciyapi qa miš Eugene Half miye.

MINIWAKAN KIN ON WICAŠA TOHAN IYEKICIHANTUPI QON ITAHENNA KAN WICAYE QA TE WICAYE.

Miniwakan yatkesa miniwakan iwicašice šni tuka tancan iwicawašte keye kin he nina itonšni qa wowicake eye šni. Wakanšica Eve waekiye kin he iyececa. Taspantanka woanapte kin he yute kin te kte šni, Wakantanka iyececa kta keye qon he iyececa. Ehanna wicaša ikte wan "Agnatoffana" eciyapi, mini iyecen kagapi. Wicaša narman ktepi cinpi ecan de wicakupi. Wancak on wicaktepi šni, tuka ranhinyan, wiwanji, qa iš nom ecetu, qaiš waniyetu wanji hehanyan iyopte ecen on ŋapi. Miniwakan kin de iyececa; tancan wicayušice qa wiconi yuptecena qeyaš nina ranhinyan iyopta-wicayute seececa aye qa hankeya oihanke wicaya. Miniwakan yatkanpisa kin eakcana kanpi ecee. qa ihnuhanna wicowoyazan wanji ahitawicakpe ehantans itkokipapi okihipte šni. Pejuta owicakihi šni,—tona yatkanpi šni hena e e okihipte. Tona miniwakan yatkanpi sa qon hena yatkanpi šni kinhan, tehan nipi kte qon he iaokpani ŋapisa, qa tuwe wan miniwakan tokand wicaqu qa wiyopewicakiye qon wiconŋe etkiya akarap orankoya iyewicaya qa heon te kta iyekicihantupi šni ešta wiconŋe yuinarnipi. Takomni miniwakan wanicana unkanš wicaša kektopawinge tonaken ŋapi qon dena dehan nipi kta tuka.

Omniciye tanka on kiŋon.

Julia Merrick

\$5.00